

ח ויחי ירד שתיים וששים  
 שנה ומאת שנה ויולד את-  
 ט חנוך: ויחי ירד אחרי הולידו  
 את-חנוך שמונה מאות שנה  
 כ ויולד בנים ובנות: ויהיו כל-  
 ימי ירד שתיים וששים שנה  
 ותשע מאות שנה וימת:  
 כא ויחי חנוך חמש וששים  
 שנה ויולד את-מתושלח:  
 כב ויתהלך חנוך את-אלהים  
 אחרי הולידו את-מתושלח  
 שלש מאות שנה ויולד בנים  
 כג ובנות: ויהי כל-ימי חנוך  
 חמש וששים שנה ושלש  
 כד מאות שנה: ויתהלך חנוך  
 את-אלהים ואיננו כי-לקח  
 אתו אלהים:  
 כה שביעי  
 ויחי מתושלח שבע  
 ושמנים שנה ומאת שנה  
 ט ויולד את-למך: ויחי מתושלח  
 אחרי הולידו את-למך שתיים  
 ושמנים שנה ושבע מאות  
 כו שנה ויולד בנים ובנות: ויהיו  
 כל-ימי מתושלח תשע  
 וששים שנה ותשע מאות  
 שנה וימת:  
 כז ויחי למך שתיים  
 ושמנים שנה ומאת שנה ויולד  
 כח בן: ויקרא את-שמו נח לאמר  
 זה ינחמנו ממעשנו ומעצבון

ודינו מן-האדמה אשר אררה  
 ל יהוה: ויחי למך אחרי הולידו  
 את-נח חמש ותשעים שנה  
 וחמש מאת שנה ויולד בנים  
 לא ובנות: ויהי כל-ימי למך שבע  
 ושבעים שנה ושבע מאות  
 שנה וימת:  
 לב ויהי נח בן-חמש מאות  
 שנה ויולד נח את-שם את-חם  
 וא-יא ואת-יפת: ויהי כי-החל האדם  
 לדב על-פני האדמה ובנות  
 ב ילדו להם: ויראו בני-אלהים  
 את-בנות האדם כי טובת הנה  
 ויקחו להם נשים מכל אשר  
 ג בחרו: ויאמר יהוה לא-ידון  
 רוחי באדם לעלם בשגם הוא  
 בשר והיו ימיו מאה ועשרים  
 ד שנה: הנפלים היו בארץ  
 בימים ההם וגם אחרי-כן  
 אשר יבאו בני האלהים אל-  
 בנות האדם וילדו להם המה  
 הגברים אשר מעולם אנשי  
 השם:  
 מפטיר  
 ה וירא יהוה כי רבה רעת האדם  
 בארץ וכל-יצר מחשבת לבו  
 ו רק רע כל-היום: וינחם יהוה  
 ו כי-עשה את-האדם בארץ  
 ו ויתעצב אל-לבו: ויאמר יהוה  
 אמחה את-האדם אשר-

בראתי מעל פני האדמה  
 מאדם עד-בהמה עד-רמש  
 ועד-עוף השמים כי נחמתי כי  
 ח עשיתם: ונח מצא חן בעיני  
 יהוה:  
 ט אלה תולדת נח נח איש  
 צדיק תמים היה בדרתיו את-  
 י האלהים התהלך-נח: ויולד נח  
 שלשה בנים את-שם את-חם  
 יא ואת-יפת: ותשחת הארץ לפני  
 האלהים ותמלא הארץ חמס:  
 יב וירא אלהים את-הארץ והנה  
 נשחטה כי-השחית כל-בשר  
 את-דרכו על-הארץ:  
 יג ויאמר אלהים לנח קץ  
 כל-בשר בא לפני כי-מלאה  
 הארץ חמס מפניהם והנני  
 יד משחיתם את-הארץ: עשה לך  
 תבת עצי-גפר קנים תעשה  
 את-התבה וכפרת אתה מבית  
 טו ומחוץ בכפר: וזה אשר תעשה  
 אתה שלש מאות אמה ארך  
 התבה חמשים אמה רחבה  
 טז ושלשים אמה קומתה: צהר |  
 תעשה לתבה ואל-אמה  
 תכלנה מלמעלה ופתח התבה  
 בצדה תשים תחתים שנים  
 יז ושלשים תעשה: ואני הנני  
 מביא את-המבול מים על-